

ԱՐՁԱՆԱԳՐՈՒԹՅՈՒՆ

«Ստեփանավան համայնքի կոմունալ սպասարկում և բարեկարգում» ՀՈԱԿ-ի կողմից ներկայացված կոշտ կենցաղային թափոնների հավաքման գործունեության տեխնիկական վերազինման շրջակա միջավայրի վրա ազդեցության գնահատման հաշվետվության վերաբերյալ 2-րդ հանրային լսում

17.09.2025թ.

Ստեփանավան համայնք

Հանրային լսմանը մասնակցում էին.

- Հանրային լսման պատասխանատու՝ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի մասնագետ Սուսաննա Անտոնյանը,
- Ստեփանավան համայնքի ղեկավարի առաջին տեղակալ Հրանտ Աբրահամյանը,
- Հաշվետվության կազմող մասնագետ՝ Վոամ Թևոսյանը,
- Չարենցավան համայնքապետարանի ներկայացուցիչներ,
- «Ստեփանավան համայնքի կոմունալ սպասարկում և բարեկարգում» ՀՈԱԿ-ի ներկայացուցիչները և բնակավայրի բնակիչներ:

«Շրջակա միջավայրի վրա ազդեցության գնահատման և փորձաքննության մասին» օրենքի (03.05.2024թ. ՀՕ-150-Ն, այսուհետ՝ Օրենք) համաձայն, ինչպես նաև ՀՀ կառավարության 2023 թվականի դեկտեմբերի 28-ի №2343-Ն որոշմամբ (այսուհետ՝ Որոշում) սահմանված կարգով, 2025թ. սեպտեմբերի 17-ին՝ ժամը 12:00-ին, Ստեփանավանի համայնքապետարանում տեղի ունեցավ «Ստեփանավան համայնքի կոմունալ սպասարկում և բարեկարգում» ՀՈԱԿ-ի կողմից ներկայացված կոշտ կենցաղային թափոնների հավաքման գործունեության տեխնիկական վերազինման շրջակա միջավայրի վրա ազդեցության գնահատման հաշվետվության վերաբերյալ հանրային 2-րդ լսումը:

Հանրային լսումը վարեց «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Սուսաննա Անտոնյանը, ով հանդես եկավ բացման խոսքով՝ ներկայացնելով փորձաքննական գործընթացն ու կատարված աշխատանքները:

Սուսաննա Անտոնյանը ներկայացրեց, որ մեկ անգամ տվյալ գործունեության վերաբերյալ հաշվետվությանը գրությամբ պատասխանվել է, որ այդ գործունեությունը ենթակա չէ փորձաքննության, քանի որ այն նախատեսվող չէ և արդեն իսկ կատարվում է Ստեփանավան քաղաքի աղբի հավաքում և տեղափոխում:

Այնուհետև, «Շրջակա միջավայրի վրա ազդեցության գնահատման և փորձաքննության մասին» օրենքի 12-րդ հոդվածի 7-րդ կետի համաձայն, նախաձեռնողի նախաձեռնությամբ փորձաքննության է ներկայացվել հաշվետվությունը, որի փորձաքննությունը իրականացվում է Բ կատեգորիայի ընթացակարգով:

Փորձագետ Սուսաննա Անտոնյանը ներկայացրեց, որ նախատեսվող գործունեության հիմնական նպատակն է ստանալ եզրակացություն, որն անհրաժեշտ փաստաթուղթ է և պետք է ներկայացվի ՇՄՆ լիազոր մարմին, որպեսզի «Ստեփանավան համայնքի

կոմունալ սպասարկում և բարեկարգում» ՀՈԱԿ-ին տրամադրվի լիցենզիա՝ տվյալ գործունեությունը իրականացնելու համար:

Սուսաննա Անտոնյանը նշեց, որ առկա են անհամապատասխանություններ և որոշ թերություններ, որոնք չեն ուղղվել լրամշակման ժամանակ: Մասնավորապես՝ թափոնների կազմի, քանակի և դասի վերաբերյալ տեղեկատվությունը ներկայացվել է թերի, չի ներկայացվել աղբավայրի տնօրինող համայնքի հետ կնքված պայմանագիրը, որը պարտադիր է համաձայն «Աղբահանության և սանիտարական մաքրման մասին» օրենքի: Այդ պայմանագիրը անհրաժեշտ է, որպեսզի ՀՈԱԿ-ը իրավասու լինի աղբը տեղադրել Գյուլագարակի աղբավայրում: Նշվեց նաև, որ աղբավայրի տարածքը 2023թ. ՇՄՆ նախարարի որոշման հիման վրա համարվում է «Հայանտառ» ՊՈԱԿ-ի տարածք, և այժմ աղբը թափվում է իրենց լիազորության տակ գտնվող տարածք՝ վնաս հասցնելով կենսաբազմազանությանը:

Հաշվետվությունը կազմող մասնագետ Վոամ Թևոսյանը չընդունեց նշված դիտարկումները՝ պնդելով, որ լրամշակմամբ ներկայացված դիտողությունները և առաջարկությունները իրավական հիմքեր չունեն, չեն առնչվում տվյալ գործունեությանը, և այդ իսկ պատճառով սահմանված դիտարկումները չեն իրականացվել: Թևոսյանը նշեց, որ այս հաշվետվությամբ պետք է փորձաքննվի միայն աղբի հավաքումն ու տեղափոխումը:

Սուսաննա Անտոնյանը հակադարձեց, որ նախագծողը պարտավոր է ներկայացնել հաշվետվություն՝ լիարժեք տեղեկատվությամբ և փաստաթղթերով, իսկ փորձագետը դիտարկում և փորձաքննում է ամբողջ գործունեությունը, այլ ոչ թե դրա մի մասը՝ նախագծողի հայեցողությամբ: Տվյալ պարագայում փորձաքննվում է ոչ միայն աղբի հավաքումն ու տեղափոխումը, այլև դրա տեղադրումը աղբավայրում, ուստի աղբավայրը ևս հանդիսանում է տվյալ փորձաքննության մաս:

Վոամ Թևոսյանը կրկին պնդեց, որ դա իրենց գործունեության մեջ չի մտնում, քանի որ աղբավայրը չի գտնվում Ստեփանավան համայնքի տարածքում, և իրենք իրավասու չեն դրա վերաբերյալ տեղեկատվություն տրամադրել կամ պատասխանատվություն կրել:

Սուսաննա Անտոնյանը պատասխանեց, որ անկախ նրանից, թե աղբավայրը որ համայնքում է գտնվում, փաստացի Ստեփանավան քաղաքից հավաքված աղբը տեղափոխվում և տեղադրվում է Գյուլագարակի աղբավայրում, որն էլ մեծ վնաս է հասցնում շրջակա միջավայրին: Այդ տարածքը կոնսերվացման ենթակա աղբավայր է, որի մի մասը գտնվում է «Հայանտառ» ՊՈԱԿ-ի տնօրինության տակ: Բացի այդ, Ստեփանավան համայնքը չունի պայմանագիր տվյալ համայնքի հետ:

Վոամ Թևոսյանը չընդունեց նաև այս դիտարկումները՝ մեղադրելով փորձագետին համայնքի համար խնդիրներ ստեղծելու և իրավիճակը խեղաթյուրելու մեջ:

Համայնքապետարանի ներկայացուցիչները փորձեցին պարզել՝ որոնք են խնդիրների լուծումները: Սուսաննա Անտոնյանը նշեց, որ համայնքը նախ պետք է ունենա աղբավայր, այնուհետև ստանա լիցենզիա: Իսկ այժմ գործընթացը տեղի է ունենում հակառակ կերպ. նախ հանվում է լիցենզիա, և դրա հիման վրա աղբը տեղափոխվում է կոնսերվացման ենթակա աղբավայր, որի տնօրինող համայնքի հետ Ստեփանավան համայնքը պայմանագիր չունի:

Հանրային լսումը շարունակվեց բավականին լարված մթնոլորտում: Անհամաձայնություններ և մեղադրանքներ հնչեցին ՇՄԱՓԿ ՊՈԱԿ-ի աշխատակցի հասցեին:

Փորձագետը շեշտեց, որ առկա խնդիրները պետք է լուծվեն հաջորդականությամբ, այլ ոչ թե շարունակվի առկա խնդիրներով լիցենզիա ստանալու և Գյուլագարակի կոնսերվացման ենթակա տարածքում աղբ տեղադրելու գործընթացը:
Հանրային լսումը ավարտվեց առանց փոխըմբռնման:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի մասնագետ՝















Սուսաննա Անտոնյան

«Ստեփանավան համայնքի կոմունալ
սպասարկում և բարեկարգում» ՀՈԱԿ-ի ներկայացուցիչ՝

Զ. Ն. Նիկիտին Զեկերկալացուցիչը առարկություններ ուներ և
կրակաբանական և արտադրական արձեռնածրություններ:

«Ստեփանավան համայնքի կոմունալ սպասարկում և բարեկարգում» ՀՈԱԿ-ի կողմից Ստեփանավան համայնքում
իրականացվող կոշտ կենցաղային աղբի հավաքման վերաբերյալ հանրային խումբների (երկրորդ լսում) նիստի
մասնակիցների

ՑԱՆԿ

№	Լսումների մասնակցի անուն ազգանուն	Կազմակերպություն կամ բնակության վայր	Կոնտակտային տվյալներ	Ստորագրություն
1	Վահագն Մանուկյան	«Բնակարանային տնտեսություն» ՎՊԸ	091586635	
2	Էմմա Մանուկյան	«Բնակարանային տնտեսություն» ՎՊԸ	055906406	
3	Կարեն Խոսրովյան	ՎՊԸ, համայնքային կազմակերպություն	094511824	
4	Գրիգոր Եսայան	ՎՊԸ, համայնքային կազմակերպություն	098012853	
5	Եսայան Գրիգորյան	ՎՊԸ, համայնքային կազմակերպություն	094745357	
6	Սարգս Գրիգորյան	ՎՊԸ, համայնքային կազմակերպություն	043-119-157	
7	Արմեն Եսայան	ՎՊԸ, համայնքային կազմակերպություն	093811898	
8	Նուբեհ Գրիգորյան	ՎՊԸ, համայնքային կազմակերպություն	033-159-239	
9	Նուբեհ Գրիգորյան	ՎՊԸ, համայնքային կազմակերպություն	096-38-33-34	
10	Նուբեհ Գրիգորյան	ՎՊԸ, համայնքային կազմակերպություն	099268000	
11	Գրիգոր Մանուկյան	ՎՊԸ, համայնքային կազմակերպություն	094999809	
12	Վահագն Մանուկյան	ՎՊԸ, համայնքային կազմակերպություն	099922000	

«Ստեփանավան համայնքի կոմունալ սպասարկում և բարեկարգում» ՀՈԱԿ-ի կողմից Ստեփանավան համայնքում իրականացվող կոշտ կենցաղային աղբի հավաքման վերաբերյալ հանրային լսումների (երկրորդ լսում) նիստի մասնակիցների

හැමදා

[illegible]